

## حق ہتھیکے لکھاری دے

رلی بٹندے ہتھ	:	کتاب داناں
ڈاکٹر خالد اقبال	:	لکھاری
محمد سلیم قیصر، عبدالطیف بھٹی	:	ترتیب
۲۰۱۷ء	:	چھپوٹ دا سال
جھوک پبلشرز	:	ناشر
پنج سو	:	تعداد
ڈوسو روپے	:	مئل
ملک خرم شہزاد	:	کمپوزنگ
(0300-7361252)		

## رلی بٹندے ہتھ (شاعری)

ڈاکٹر خالد اقبال

جھوک پبلشرز، ملتان

تندریہ

حمد

کویلیاں دی حمد

محبت میڈے دل دی.....

پہلا خیال

ڈوجھا خیال

تیکوں چاہنداں

تیڈیاں یاداں

شاندا

عشق تاں کم گمہارت

اے عشق قطار ہے کر بیہوں دی

عشق نے لاگاں لائیاں

آپ کیتوئی عشق، ووت

اڑی اوچڑیو

اوہک میل ملاپ عجب ہی

مٹھی مانی عشق

سب آسمانی میوہ ہے

عشق اساڈے اندروں پو لیا

پوکھا

0

عشق تاں آپیں رستے گوں بہوار کر یسی  
\* کیڑیاں اگوں کون کھڑی دیوار کر یسی

\* کویلی

عشقِ تاں آپ ہے سرِ میاں  
 کو یلیاں کیتا پیار و میاں  
 گئی ماہٹو کھلدا آوے  
 میڈا پیار کٹورہ پاٹی دا  
 سنیں عنایتِ شاہِ سندھی سائے  
 بھلی تھی بھلی تھی  
 چنبہ چاہت دا  
 خوشبور و کیاں رُکدی ناہیں  
 ہتھ پھل چٹن نیکیاں ونڈن  
 نیکی ہک فرشتہ ہے  
 رسیاں داوت رل تے پہوٹن  
 میں گیت بٹاؤن چاہنداں ہاں  
 ہک ڈینہہ میں تاں ڈینہہ بیسیاں  
 جاں پھل موئیے دے میں پانواں  
 دل دا چور پاوے شور  
 آروی پھل ان پاروی پھل ہن  
 ست رنگی سویراے  
 جیوٹ پھل کیاری  
 واہ سوہنے آں تیڈی مسکان  
 گھمبیاں کھمب کھنڈائے

شالا جیون نہیں جھکیندے.....  
 پیریں پائیل رُپئی سٹی  
 ہئی جائیاں گھمبیاں وویار  
 نیناں نندر ونجائی  
 ووجو گیا چھیڑا کتارا  
 تیں توں وچھڑ کپڈے ویسوں  
 گوہ سلیمان دی پٹی  
 تیڈے ڈرے تارے کوہ سلیمان دی پٹی  
 پتھد ری چھاں تے مٹھی پگھ  
 ساواں وسدا مینہہ  
 ست ڈینہہ تے اٹھ میلے  
 اسوں مانہہ نرالے  
 اک دے پھل نیلے  
 بارش اتنی تھیوے ویہہ پون پرنا لے  
 ادھی دھپ ادھی چھاں  
 ٹانڈے و وٹانڈے  
 ناسٹلجیا  
 نین نماشیں ہک ہک چھلکن ہنجوں  
 سٹی  
 میر ملاح

رَہواں ڈیہدے ڈیہدے  
 کیوفلاژ  
 ہک بابا دشاہ کن اوندے بادھاگا  
 ہک ڈوٹے ڈو  
 رستہ بٹا وٹ کویلیاں کوں آندے  
 ایہ رودھے رُدھیھے  
 رُکدیاں نھیں کویلیاں  
 سارے بھوہ لہا چھوڑین  
 نواب مظفر خان شہید  
 شکرو نڈاں مصری ونڈاں  
 اندھی گھوئی  
 شہر آشوب  
 کیسر کیاری  
 پیپر ویٹ  
 جُرموں ودھ سزاواں؟  
 کنڈ ورائی دھرتی  
 جہو ریت  
 کالے کوٹ کویلیاں  
 نامہ نگارو  
 ساڈے وچوں بندے

جتوالاں دے بھاگ سنوارے ساوی مٹی  
 تُوں ٹریں میں بَدل ہُووان  
 دل توں دل تیں رستا ہوندا  
 پئی وگے ہک نہیں  
 رتلیں مچھیاں ہاکن کٹیاں مارٹن نلے ہلے ہوہو  
 قصہ قصوی  
 ڈاہا کیم ڈاہا  
 ماٹ  
 محمود نظامی سانگھے  
 آبائی گھر کیتے ہک نظم  
 ڈوٹھیوں ڈوسکیاں  
 کیا تیری کیا میری  
 شہر آشوب  
 جلسہ  
 ھینیاں کیتے ہک نظم  
 آوی دلپالٹ  
 منشی\* احمد بخش سانگھے  
 اتماں سٹیٹ  
 روہ دمان داچا یا میں  
 ہک مٹی نیں

حمد

○

مور بٹایو، رقص بٹایو  
 نین بٹایو، عکس بٹایو  
 ہر جا آپ سہایو اللہ کہایو  
 حُسن بٹایو، ناز بٹایو  
 دید بٹایو، راز بٹایو  
 ہر جا آپ سہایو اللہ کہایو  
 باغ بٹایو، رنگ بٹایو  
 رنگ بھٹو دے سنگ بٹایو  
 ہر جا آپ سہایو اللہ کہایو  
 بدل بٹایو، آب بٹایو  
 مندر بٹایو، خواب بٹایو  
 ہر جا آپ سہایو اللہ کہایو

☆

نظام ہاتھی

پترے

طوطا چشتی دے حق وچ

ڈپڈر

پہرے داراں کیتے

\* گوڑا خان

آغا صفی اللہ

دَرشن واہ من موہنیاں والے

رلی ٹینڈے ہتھ

ڈیس سرائیکی مٹھری بولی

نظماں

○

محبت میڈے دل دی ہک سلطنت ہے  
 اے مسکین مظلوم لوکاں دا گھر ہے  
 میں زلت دے ماریاں دی آواز ہاں  
 میکوں لوک میڈی محبت دے پاروں  
 وت آپٹے دلاں دی صدا چاٹدے ہن  
 میکوں لوک سچی وفا چاٹدے ہن  
 مہڈے دوستوں، بے کسو، بے سہارو  
 میڈی بے بہا جو محبت ہے لوکو  
 اے سسھ کجھ تہاڈا تہاڈے ای نانویں  
 میڈی شاعری وی تہاڈے ای نانویں  
 میڈی زندگی وی تہاڈے ای نانویں

☆

## کویلیاں دی حمد

○

اللہ تیڈا شکر اے  
 مولا تیڈا شکر اے  
 ہک بچ دے چاول ہن  
 ہک بچ دا ٹکر اے  
 اللہ تیڈا شکر اے  
 مولا تیڈا شکر اے  
 بچ دھرک آساڈی بس  
 بگلی توں لا ٹکر اے  
 اللہ تیڈا شکر اے  
 مولا تیڈا شکر اے  
 تیکھی دھپ دے ٹھنکے ہن  
 سچھ جینویں ککڑاے  
 اللہ تیڈا شکر اے  
 مولا تیڈا شکر اے

☆

## ڈوجھا خیال

○

تیکوں سچینداں  
 تاں پتہ نی  
 کالیاں راتاں وچ  
 کئی چاٹھی جھسیں  
 کتھوں آویندی ہے  
 کہیں کہیں ویلے تاں  
 اینویں لگدے  
 دُور آسمانوں  
 تُوں ڈیہداں ہیں

☆

## پہلا خیال

○

ست رنگی سویرگوں  
 جاں میں جاگاں  
 خیال تیڈا  
 جاگٹ تُوں پہلے  
 موجود ہوندے

☆

## تیڈیاں یاداں

○

تیڈیاں یاداں ہن بس خواہیں وانگوں  
جھلمل جھلمل تارے جگدے ویندے

چندر ستارے چُنری رات ہے سرتے  
تیڈیاں یاداں ہن بس خواہیں وانگوں

جگنو آکھیں پلدے بچھدے ویندن  
ہجر وصال تاں رلے ٹردے ویندن

تیڈیاں یاداں ہن بس خواہیں وانگوں  
جھلمل جھلمل تارے جگدے ویندے

☆

○

تیکوں چاہنداں

چاہندا رہساں

دل آہد ہے چارے پاسے

ساوا ساوا جنگل ہووے

جنگل اُتے بارش تھیوے

تھیدی راہوے

دُنیا اینویں جاگدی راہوے

چیدی راہوے

تیڈی میڈی چاہت وانگوں

☆



○

عشق تاں کم گمہارت  
عشق گھرے دی گھاڑت

ہر شے شبھ اشارت اوندی  
عشق تاں سدھ سدھارت

عشق تاں عین عبادت سیاں  
عشق نماز شمارت

عشق پنگھوڑے جھوٹے ناں  
عشق نویں بھارت

☆

شانند

○

اچ و ت ہیاں ہولے ہولے  
میڈے نالوں تھی کے لنگھن  
تیڈی شانند پواتے  
چندرا سمان نی چڑھیا  
پرایہہ کیڑھا چندراے جیڑھا  
نال پیاہے ردا

☆

○

عشق نے لاڳاں لائیاں  
 کتھ ونجے کئی لڳڙتے  
 عشق نے لاڳاں لائیاں  
 مُشکي پوئي عشق دي  
 لڳدي ناهي تھڙتے  
 عشق نے لاڳاں لائیاں  
 ياراں دے پيں يار اساں  
 ڏيکھے تاں گئي سڙتے  
 عشق نے لاڳاں لائیاں  
 چندر لهاوڙي ويهڙه  
 ايس عشق دي تڙتے  
 عشق نے لاڳاں لائیاں

☆

○

اے عشق قطار هے ڪريهون دي  
 اے عشق بهار سرههون دي  
 ڪيا ڳالهه وصال ته برهون دي  
 اے بهجون مُشڪ مُساگ هے ڪيا  
 اے ليڪه مُقدر بهاگ هے ڪيا  
 ڪيا ڳالهه وصال ته برهون دي  
 اءِ موئي مونجه ملال هے ڪيا  
 اے موت دا يار سوال هے ڪيا  
 ڪيا ڳالهه وصال ته برهون دي  
 اے عشق هے مُرلي انهد دي  
 اے عشق هے منزل سرمد دي  
 ڪيا ڳالهه وصال ته برهون دي

☆

رَبِّ سچے دا جھگا بھنوں  
نال رلا کے گوہ  
اساں لوک دمانی، جینویں  
چمکے دُھپ مکو  
روہی تھل دمان و سوں  
ڈھولیورل بہو  
باغ دامالی چٹتاں گھنسی  
توں وی چمبا ہو



○

آپ کیتوئی عشق، وِت  
باربر ہوں دا ڈھو  
عاشق سچا تھی میاں  
دور نہیں ہٹ روہ  
پندھ او لے مارنکیندن  
راہواں دی وِت مُوہ  
عشق آسا کول ڈ اندیٹاتے  
ہلیں ڈ تاجو  
نیقی نسر کھڑ دی ء  
پکڑیا ویندے دَروہ  
اُجلے ناں وِت کول پہاوان  
ہو ملاتسی ہو  
چُپ چُپ راہون چنکا نہیں  
رووے دلارو  
وہندے وگدے دَڑیا وچوں  
میل نہ آپٹا دھو

○

او ہک میل ملاپ عجب ہئی  
 تیڈے میڈے نیناں اندر  
 پٹھا سُوہٹا آپ ای رُب ہئی  
 او ہک میل ملاپ عجب ہئی  
 ڈُو پری کون ملیدے  
 جوڑیا آپ رُب سبب ہئی  
 او ہک میل ملاپ عجب ہئی  
 تھان اَسانی رنگ ہا گھلایا  
 کاسنی دا وَل حُسن عَجب ہئی  
 او ہک میل ملاپ عجب ہئی  
 اُونکوں وی ہئی موج دی مُستی  
 ساکوں وی کئی شوق طرب ہئی  
 او ہک میل ملاپ عجب ہئی

☆

○

اڑی او چڑیو  
 ساڈے رنگ سنگ جیو  
 دھی ویلھے نال  
 چوں وی چٹنال  
 چوں چن چلکو  
 اڑی او چڑیو  
 ساڈے رنگ سنگ جیو  
 تہاکوں ڈیکھ تے ہال  
 تھی تھی وچن نہال  
 ویہڑھے دیاں سکھیو  
 اڑی او چڑیو  
 ساڈے رنگ سنگ جیو  
 ہرڑ ہا تھی پھوں  
 نکڑیاں تھی کر رہوں  
 جگ نماٹیاں روجو

اڑی او چڑیو  
 ساڈے رنگ سنگ جیو

☆

○

سب آسمانی میوہ ہے  
 میوے دکھریاں جاہیں دے  
 امب انگور انار  
 سب آسمانی میوہ ہے  
 بندہ بندے نال ہے وسوں  
 وتی گوٹھ بزار  
 سب آسمانی میوہ ہے  
 اسماں چاٹدے ہکا گالھ  
 ہر گوں بچن دا دیدار  
 سب آسمانی میوہ ہے  
 چڑیاں رلے چڑیاں بہون  
 کونجاں کرن پیار  
 سب آسمانی میوہ ہے  
 خواجہ سبیں تیڈیاں کافیاں  
 دھرتی دی مُسکار  
 سب آسمانی میوہ ہے

☆

○

مٹھی مانی عشق  
 عشق وچ ہے وک  
 بن توں مٹھا ڈدھ  
 نہ تھی کوڑا اک  
 آپ خوشبو  
 چک گوٹھ بنی  
 آپٹا میلا دھو  
 ڈوجھیاں کوں ناں تک  
 بندہ جو ہے بے عملا  
 گالھیں دے وچ نک  
 جیندا ادھورا من  
 اوندی گالھ ہے شک  
 کالا دھوں انجن  
 ویہلا چھکا چھک  
 خوشبو رُکدی ناں  
 توڑے رکھو ڈھک  
 حق دی آکھاں گالھ  
 حق ہے حق ہے حق  
 کم تاں کہو بہوں  
 ڈھولن پگولن لکھ

☆

○

عشق تاں آپ ہے سُر میاں  
عشق تاں آپ ہے سُر

چیتے چیتا ساتھ سنگت دا  
کونجاں ناہیں بڈیاں دُھر

عشق تاں آپ ہے سُر میاں  
عشق تاں آپ ہے سُر

گھمبیاں آپیں تھی کھڑ دیاں ہن  
بھانویں بنی تس تے گُر

عشق تاں آپ ہے سُر میاں  
عشق تاں آپ ہے سُر

پدم نگر دا راہ جنیں پچھے  
رستہ پوندے اگوں رُ

عشق تاں آپ ہے سُر میاں  
عشق تاں آپ ہے سُر

گھائی رمزے ہے جوگ جیوٹ دی  
ایہو پکا سچا گُر

عشق تاں آپ ہے سُر میاں  
عشق تاں آپ ہے سُر

☆

○

عشق اساڈے اندروں پولیا، پاہروں پولیا مور  
مَن موخے وچ مستی جاگی، جھانجھر پایا شور  
عشق اساڈے اندروں پولیا  
دل دھرکن دی ڈھولک وچے تیڈے نال دھمال  
توں ہیں مپڈی چاہت راحت توں ہیں مپڈا چور  
عشق اساڈے اندروں پولیا  
بھن ساتھ سَمے دی سنگت، توں وی تاں کجھ بول  
بانیں جینویں تیلیاں اڈیاں، ڈہنہہ تھئے نویں نکور  
عشق اساڈے اندروں پولیا  
کیڑھے اُچے بُرج منارے کیڑھے اُچے لوک  
تیڈے پاروں چنگا لگدے ساکوں شہر لہور  
عشق اساڈے اندروں پولیا  
عشق دا امرت پیوٹ والے سدا نروے ہوئے  
سچ آکھیا ہے بلھے شاہ نے گور پیا کوئی ہور  
عشق اساڈے اندروں پولیا

☆

○

گئی ماہٹو کھلدا آوے، جگ کرے ہار سنگھار  
 جگ کرے ہار سنگھار  
 ماہی مانیاں موسم آیا، تتلیاں واہ چکار  
 جگ کرے ہار سنگھار  
 ڈینہہ ٹرے ٹور ملوٹری، واہ پیلاں چنکار  
 جگ کرے ہار سنگھار  
 گئی موسم گھل دا آوے، ہتھ چمبا لکھ دیدار  
 جگ کرے ہار سنگھار  
 تن راول پیا مُسکاوے، من سَمی کرے گُفتار  
 جگ کرے ہار سنگھار

☆

○

کولیاں کیتا پیار وو میاں، کولیاں کیتا پیار  
 عشق عجب اسرار وو میاں، عشق عجب اسرار  
 کولیاں کیتا پیار وو میاں  
 ساڈی آپٹی جوگ شوک ساڈی اپٹی ٹور  
 کہیں نال کہیں تکرار وو میاں، کہیں نال کہیں تکرار  
 کولیاں کیتا پیار وو میاں  
 چنے جیڈا ڈینہہ ڈھویندے چاول جیڈی شام  
 وچ چنے ہیں پار وو میاں، وچ چنے ہیں پار  
 کولیاں کیتا پیار وو میاں  
 آپ جوگی روٹی جو دی ساکوں ہے پئی سے  
 کینہاں وچ پار وو میاں، کینہاں وچ پار  
 کولیاں کیتا پیار وو میاں  
 اچے ٹھلے تھمب قدیمی جے تیں ہوون پئے  
 رکتی نہیں قطار وو میاں، رکتی نہیں قطار  
 کولیاں کیتا پیار وو میاں

☆

## سنیں عنایت شاہ سندھی سانگے

○

اللہ والی جھوک وِساوِ  
اللہ سنیں دی دھرتی اُتے

اللہ والی جھوک وِساوِ

سانجھی کھیتی سانجھ ونڈا تے  
رمزاں جیوٹ جوگ ڈِساوِ

اللہ والی جھوک وِساوِ

سُکدے مُکدے ٹانڈیاں کُوں وِت  
ساوا تکرُا کر ڈِکھلاوِ

اللہ والی جھوک وِساوِ

سانجھیاں دُھپاں چھانواں کول تاناں  
خواباں وچوں رنگ کھڑاوِ

اللہ والی جھوک وِساوِ

☆

○

میڈا پیار کٹورہ پاٹی دا  
تُساں بھر بھر پیو وِ سچو  
میڈا پیار کٹورہ پاٹی دا  
پئی باغیں خوشبو ہیل ہلے  
جیوں جھولا رات دی راٹی دا  
میڈا پیار کٹورہ پاٹی دا  
ہے کھپڈتاں ساری سنگت دی  
ہیوے ایہو پاند کہاٹی دا  
میڈا پیار کٹورہ پاٹی دا  
کئی تندیاں وانگوں نیں وِگے  
آکھو ایہو سوتر تاٹی دا  
میڈا پیار کٹورہ پاٹی دا  
وِت خالد اوند اگلہ کیا  
جینکوں مِت اِپٹا جانی دا  
میڈا پیار کٹورہ پاٹی دا

☆



## چنبہ چاہت دا

○

دل دے ویڑے  
 چنبہ چاہت دا  
 سدا رت بہار وچ  
 آپٹے کہیں نمار وچ  
 جیوٹ دے اسرار وچ  
 مہکدا رہندے  
 ایں جاگدے جہان وچ  
 آپٹے کہیں گمان وچ  
 بس تیڈے ای دھیان وچ  
 چنبہ چاہت دا  
 مہکدا رہندے

☆

○

بھلی تھئی بھئی بھلی تھئی  
 سنگت ساتھ سولی تھئی  
 بھلی تھئی بھئی بھلی تھئی  
 بٹی ٹینک آپ رہائے  
 کینویں ایہہ کھمبلی تھئی  
 بھلی تھئی بھئی بھلی تھئی  
 سنگھڑ محرم لولی الو  
 بارش تھئی سپھلی تھئی  
 بھلی تھئی بھئی بھلی تھئی  
 سنگھڑ تل تے سنگتی رنے  
 مونجھ نہ اصولوں کلہی تھئی  
 بھلی تھئی بھئی بھلی تھئی  
 بچن ملیا رت ملیوسے  
 دل کول پہوں تسلی تھئی  
 بھلی تھئی بھئی بھلی تھئی

☆

○

ہتھ پھل چٹن نیکیاں ونڈا، سنگتیاں رلے باہوٹ  
تے وِت حال ونڈاوٹ، بانیں دے وچ پھرٹ

پکھیاں گوں چوگا پئے سٹوں، کھلوں ہسوں  
یا وِت کہیں کہیں ویلھے سنگتیاں رلے روؤں

اینویں ٹردیں پھر دیں کہیں جھٹ جگ کوں ڈیکھوں  
یا وِت این میلے وچ آپنے آپ کوں ڈیکھوں

این لگدا ہے این جگ دے وچ اساں ہاسے؟  
این لگدا ہے این جگ دے وچ اساں ہوسوں؟

☆

## خوشبو روکیاں رُکدی ناہیں

○

خوشبو روکیاں رُکدی ناہیں  
سوہٹے وٹ توں گھن تے  
تیڈے ویڑے تائیں  
خوشبو روکیاں رُکدی ناہیں  
سَمی پاوے گجرے  
مہکن سوہٹیاں بانہیں  
خوشبو روکیاں رُکدی ناہیں  
کوڑی کوڑ دھٹوری  
رہندی کوڑیاں تائیں  
خوشبو روکیاں رُکدی ناہیں  
مزا کہیں دے لیکھے  
برا ناہیں سائیں  
خوشبو روکیاں رُکدی ناہیں

☆

رُسیاں داؤت رَل تے پہوٹ  
 جیویں ہے مٹھی مُسکار  
 نیکی ہک فرشتہ ہے  
 خاص تے عام دی محفل دے وچ  
 خواجہ سیں دا ذکر اذکار  
 نیکی ہک فرشتہ ہے  
 لوبھ کرودھ دے ہوندیں ہونیں  
 ہر دا ہر دے نال ہے پیار  
 نیکی ہک فرشتہ ہے  
 ماہٹو ماٹ تاں آپ ہے سوہٹا  
 ساری گالھ تاں ہے اتار  
 نیکی ہک فرشتہ ہے  
 کون ہے راہ وچ کیر سٹیدے  
 کیر کویلی ڈھوٹ کار  
 نیکی ہک فرشتہ ہے



## نیکی ہک فرشتہ ہے

○

جینویں روہی رنگ رنگیلوی  
 سوہٹا موسم انت بہار  
 نیکی ہک فرشتہ ہے  
 اتر ڈکھن پورب پچھم  
 سوہٹیاں ہیلاں ٹھڈیاں ٹھار  
 نیکی ہک فرشتہ ہے  
 ڈیکھو بانیں دے وچ کپھٹی  
 وٹیں دی ہے چھاں چھتار  
 نیکی ہک فرشتہ ہے  
 وستی وستی میلے دے وچ  
 جھڑ جھڑ کھپڈن کار  
 نیکی ہک فرشتہ ہے  
 جنگل، وت راہ بھل ویندے گوں  
 سدھا رستہ لاوٹ کار  
 نیکی ہک فرشتہ ہے

اتھ شہراں وَجدے ٹکل وچوں  
 انہاں اکھیں نیناں تھل وچوں  
 انہاں اُچے رُج محل وچوں  
 تہاڈی ساویاں سدرائ کل وچوں  
 انھاں وہندے وگدے پاٹیاں دا  
 انھاں ون پونے پھلاں دا  
 انھاں بالائ دی کھلکاراں دا  
 میں گیت بٹاؤں چاہنداں ہاں  
 میں گیت بٹاؤں چاہنداں ہاں  
 ہک گلابہ میڈی ایہ بھلٹاں ناں  
 ایہو کھلن ہسن بھلٹاں ناں  
 ایہو رووٹ، ڈسکٹ بھلٹاں ناں  
 ایہو ملن، چلن بھلٹاں ناں  
 وت گیت لکھیوٹ اوکھا نہیں  
 وت گیت لکھیندا ویساں میں  
 وت گیت بنڑیندا ویساں میں



## میں گیت بٹاؤں چاہنداں ہاں

○

میں گیت بٹاؤں چاہنداں ہاں  
 میں گیت بٹاؤں چاہنداں ہاں  
 اتھ سفنے وژدے بندیاں دا  
 اتھ ڈیہاڑی دے مزدوراں دا  
 گتے فیل جی سیکل دا  
 اتھ جیوٹ گوڑے تھے دا  
 اتھ چیتا بھلی خلقت دا  
 ایہ دفتر جو سرکاری ہن  
 ایہ برزخ دی راہداری ہن  
 اتھ سائل زلدے پھر دے ہن  
 ایہ وانگ کویلیاں بھج دے ہن  
 اتھ دھکے کھاندے بندیاں دا  
 میں گیت بٹاؤں چاہنداں ہاں  
 میں گیت بٹاؤں چاہنداں ہاں  
 میں تہاڈے جیوٹ جل وچوں

○

جاں پھل موتیے دے میں پانواں  
 خشبو وٹن گوریاں بانہواں  
 جاں پھل موتیے دے میں پانواں  
 موتیے والے چٹے جھمکے  
 نمی وا پئی لنگھے چم کے  
 ر چی خشبو میڈے ساہواں  
 جاں پھل موتیے دے میں پانواں  
 چٹے پھل موتی دے کنگن  
 میں توں سکھیاں ول ول منگن  
 کنگن ڈیکھاں تے شرمناواں  
 جاں پھل موتیے دے میں پانواں  
 چٹے پھل موتیے والا جوڑا  
 ماہی میڈا قول دا گوڑا  
 ول وی گیت ماہی دے پگانواں  
 جاں پھل موتیے دے میں پانواں

☆

○

ہک ڈیہ نہہ میں تاں ڈیہ نہہ بٹیاں  
 ڈیہ نہہ بٹیاں اتجھا  
 سچن آکھسن جینجھا  
 ہک ڈیہ نہہ میں تاں ڈیہ نہہ بٹیاں  
 ڈیہ نہہ بٹیاں پھل  
 ہوسی پوری کھل  
 ہک ڈیہ نہہ میں تاں ڈیہ نہہ بٹیاں  
 ڈیہ نہہ بٹیاں وڈا  
 ڈیہ نہہ بٹیاں سب کوسڈا  
 ہک ڈیہ نہہ میں تاں ڈیہ نہہ بٹیاں  
 ڈیہ نہہ بٹیاں بدل  
 جگ وٹن لیاں کجیل  
 ہک ڈیہ نہہ میں تاں ڈیہ نہہ بٹیاں  
 ڈیہ نہہ دے گھگھوگوڑے  
 کھپڈ وپال پلوڑے  
 ہک ڈیہ نہہ میں تاں ڈیہ نہہ بٹیاں  
 ڈیہ نہہ بٹیاں چترا  
 تیڈے کیتے مترا  
 ہک ڈیہ نہہ میں تاں ڈیہ نہہ بٹیاں

☆

○

آروی پھل ان پاروی پھل ہن

وچوں تیڈا راہ

آ جلدی ڈھولا

آ جلدی ماہیا

آر ہنالا پار ہنالا

ساڈے ٹھڈے ساہ

آ جلدی ڈھولا

آ جلدی ماہیا

آر شاماں پار شاماں

اکھیں پلدی بھاہ

آ جلدی ڈھولا

آ جلدی ماہیا

آر کبوتر پار کبوتر

گھلے ٹھڈی وا

آ جلدی ڈھولا

آ جلدی ماہیا

○

دل دا چور پاوے شور

میں تے نچاں بنٹ تے مور

دل دا چور .....

دل آکھے سانول جھیاں

ناں کئی ہوور، ناناں کئی ہوور

دل دا چور .....

لوکاں کولوں لگ لگ ڈیکھاں

واہ وے ڈھولا تیڈی ٹور

دل دا چور .....

چوری چوری جھاتیاں پاوے

روکاں کینویں ہے منہ زور

دل دا چور .....

☆

○

ست رنگی سویر اے  
پھلاں بھری چنگیر اے

سوہٹے اڈدے پکھی  
آس سنیں دی رکھی  
کھوواں دی پھری اے

ست رنگی سویر اے  
پھلاں بھری چنگیر اے

جھن فہریں آوٹے  
کھلنے اوں مُسکاوٹے  
خیر ہووی جتھ پر اے

ست رنگی سویر اے  
پھلاں بھری چنگیر اے

بنی جھوکاں میلے  
کرینہاں پکے ڈہیلے  
پریں پک گئے پر اے

ست رنگی سویر اے  
پھلاں بھری چنگیر اے

آر تاگھاں پار تاگھاں  
ساکوں تیڈی چاہ

ڈھولا جلدی آ

ماہیا جلدی آ

☆ نوک دی تیندوچوں

O

چیوٹ پھل کیاری راہوے سدا نیاری  
 چیوٹ پھل کیاری  
 راہوے سدا نیاری  
 توں ہیں مثل غلاب چنبا تیں توں واری  
 چیوٹ پھل کیاری  
 راہوے سدا نیاری  
 بچنی ساتھ سہاگڑا موسم باد بہاری  
 چیوٹ پھل کیاری  
 راہوے سدا نیاری  
 رفعت تیڈی سنگت جینویں رلی پیاری  
 چیوٹ پھل کیاری  
 راہوے سدا نیاری

☆

\* رفعت عباس

جینویں سوہٹا ڈھولا  
 کیوں بھیندیں بھولا  
 مکھ آ ساڈو پھیر اے  
 ست رنگی سویر اے  
 پھلاں بھری چنگیر اے

☆



○

گھمبیاں گھمب کھنڈائے سجھ سلامی ڈتی  
 گھمبیاں گھمب کھنڈائے  
 تھل اِنج پَریاں لتھیاں اک دے پھل مُسکائے  
 گھمبیاں گھمب کھنڈائے  
 گونجاں بَن تے اڈوں رَپ گونجاں نال رَلائے  
 گھمبیاں گھمب کھنڈائے  
 رُوہی یار ملاوڑی خواجہ سبیں فرمائے  
 گھمبیاں گھمب کھنڈائے  
 ساتھ اَساڈا نِت دا اَساں ریتاں جائے  
 گھمبیاں گھمب کھنڈائے

☆

○

واہ سوہنے آں تیڈی مُسکان واہ تیڈی مُسکان  
 سوہنے آں تیڈی مُسکان  
 اکھیں بھالیو فررتھی بگئی جاگیا گل جہان  
 سوہنے آں تیڈی مُسکان  
 روغنی سلاں نیلے پکھی وِسدا رہے ملتان  
 سوہنے آں تیڈی مُسکان  
 خلق کوہلی رونق رَپ دی ٹُریا جمل جہان  
 سوہنے آں تیڈی مُسکان

☆

سَمی

○

چیریں پائیل ٹر پئی سَمی      جیویں نہیں دا واہندہ شور  
 چیریں پائیل ٹر پئی سَمی  
 نیناں اندر نندر نَماری      پلکاں اُتے جاگی دھَمی  
 چیریں پائیل ٹر پئی سَمی  
 سرتے بوچھڑ نیل شنیل      اُتوں گھل پئی وا جولَمی  
 چیریں پائیل ٹر پئی سَمی  
 لپٹیاں سکاں دے وِج سُوہٹی      ریتاں وچوں کھمبی بَچمی  
 چیریں پائیل ٹر پئی سَمی

☆

○

شالا جیون نہیں جھگیندے یار ملیندے اُٹھ  
 ہک کنڈے توں پئے کنڈے تینیں پار بچیندے اُٹھ

پیت پرتاں والے رستے ساڈے ڈٹھے ہوئے  
 کوچ قطاراں وانگوں ڈسدے آندے ویندے اُٹھ

رُوہ دے نال تاں راول سانگے ساڈی یاری ہے  
 توڑے ہوون پنہ اڈانگے ساتھ نبھیندے اُٹھ

جت پیا آکھے سبھے موسم ساڈے چیریں پٹھ  
 توڑے جینجھا موسم ہووے بھوگ بھگیندے اُٹھ

☆

## نیناں نندرو نچائی

○

نیناں نندرو نچائی      ہیل نہ گھلی سکھ دی  
 نیناں نندرو نچائی  
 ہجر ہنجوں دی لڑی      آساں بگل ٹھمکائی  
 نیناں نندرو نچائی  
 سستی جیوٹ جیوگی      کینجھے بھوگ اچ آئی  
 نیناں نندرو نچائی  
 ریتاں رلد ا پھرے      راول بٹ سودائی  
 نیناں نندرو نچائی

☆

## ہنی جائیاں گھمبیاں وویار

○

ہنی چھم چھم وستیا بدلا      ریتاں پئیاں روثاں وویار  
 ہنی جائیاں گھمبیاں وویار  
 کابھیاں بہہ تے وٹے سفنے      کجھ چھلے، پچھیاں وویار  
 ہنی جائیاں گھمبیاں وویار  
 قسمت تھیون ساڈی شالا      ساوے پوترے نجیاں وویار  
 ہنی جائیاں گھمبیاں وویار  
 بجٹاں ماری تاڑی ہو      اکھیاں بگ بگ رنیاں وویار  
 ہنی جائیاں گھمبیاں وویار  
 راول بھلی کھیڈا ساکوں      سینگیاں کتھونج منگیاں وویار  
 ہنی جائیاں گھمبیاں وویار

☆

○

تیں توں وچھڑ کپڈے ویسوں  
تیڈے رہسوں جپڈے ویسوں

اٹھ لبھ گھنسن آپیں جھوکان  
اساں کچاوے سٹے ویسوں

لکھ اے تیڈا ڈس پوون دی  
نہیں تاں بے وس مونجھے ویسوں

راتیں ریتاں ٹھر وی پوسن  
ریتاں چھوڑ تے کپڈے ویسوں

توڑے نہیں دا جھاگن اوکھا  
یا ریں سانگھے تونے ویسوں

☆

## ووجوگیا چھیڑا کتارا

○

کوہ دی چوٹی چمکے تارا  
اڈدے پگھئی سندھ کنارا  
ووجوگیا چھیڑا کتارا

کلہا روہ منجھارے لوک  
ساڈا کوئی نہیں اصلوں یارا  
ووجوگیا چھیڑا کتارا

دل دی تختی ہک سپارہ  
سئی ساکوں ازیر یارا  
ووجوگیا چھیڑا کتارا

ویندے پئے ہن اٹھ کچاوے  
دوروں بوچھن دا لشکارا  
ووجوگیا چھیڑا کتارا

سارے ڈیہہہہ دا تھکلیا ہارا  
پلدا مجھدا زرد ستارا  
ووجوگیا چھیڑا کتارا

☆

○

تیڈے دَرے تارے کوہ سلیمان دی پٹی  
رکن گئے ساڈے پیارے کوہ سلیمان دی پٹی

شیشے وانگوں بگھدی پٹی ہے ساوی مٹی  
تیڈے واہ لشکارے کوہ سلیمان دی پٹی

سَمی راول و ہندی نہیں دے تل دی خوشبو  
تیکوں کوٹ و سارے کوہ سلیمان دی پٹی

گاڈی فَرّ اقبال، عزیز، ارشاد تیں  
تیں کئی سچھ اُبھارے کوہ سلیمان دی پٹی

جُوگی جاں میں کلہا تھیواں ایویں کلدے  
وَل وِل ہکلاں مارے کوہ سلیمان دی پٹی

☆

استاد فداحسین گاڈی، اقبال سوکڑی، عزیز شاہد، ارشاد تونسوی

## کوہ سلیمان دی پٹی

○

کوئی تصویر ادھوری ڈے  
بجٹاں ساکوں دُوری ڈے  
راول روندیں کٹی  
کوہ سلیمان دی پٹی

دُھوڑ اڈیندے ویندے قافلے  
لاہٹاں چالیں سُنجے رستے  
نہ کوئی ہنج نہ ہئی  
کوہ سلیمان دی پٹی

تونے تانگھے سَمی بَماٹی  
اکھیں تاں ہٹ کتن تاٹی  
سارا پورھیا اٹی  
کوہ سلیمان دی پٹی

تتیاں ریتاں پُہل کندیں  
ہاڑیں ڈُھیں دُھپیں رُدریں  
اَساں کند تے سٹی  
کوہ سلیمان دی پٹی

☆

## ساوڻ وسدا مينهه

○

بئي کي ڏيپهه  
رتي لال کريهه

ساوڻ وسدا مينهه

بئي پيا جھمران  
يار ملڻ دے ڏينهه

ساوڻ وسدا مينهه

بئي وسيا بدلا  
ساوے جنڊ کريهه

ساوڻ وسدا مينهه

سسي وسے من وچ  
هڻ وٽ دوري کينهه

ساوڻ وسدا مينهه

☆

## چھدري چهاں تے مٺهي بگھ

○

چھدري چهاں تے مٺهي بگھ  
بئي تاں بس بگھ سکھ

چھدري چهاں تے مٺهي بگھ

بئي دے روگ اوڙے

سانجھي تاں هن ساڙے ڏکھ  
چھدري چهاں تے مٺهي بگھ

واه واه اٺھين دے هن زيرے

کھارا پاڻي چٽھي بگھ  
چھدري چهاں تے مٺهي بگھ

زلفاں کالیاں کالیاں هن

چاڻ تاں سسي دا مکھ  
چھدري چهاں تے مٺهي بگھ

ايه جھوڪاں وس پون

بيا کيا هے ساکون ڏکھ  
چھدري چهاں تے مٺهي بگھ

☆

## اُسوں مانہہ نرالے

○

ڈینہاں تتیاں دُھپاں      راتیں پوون پالے  
 اُسوں مانہہ نرالے  
 دل رووے گُراوے      ماہی دید نہ بھالے  
 اُسوں مانہہ نرالے  
 سَمی تپڈی سک وچ      پیریں پئے گن چھالے  
 اُسوں مانہہ نرالے  
 جوگی ایہو آکھے      ڈینہہ اوکھے رَ ب ٹالے  
 اُسوں مانہہ نرالے

☆

## ست ڈینہہ تے اٹھ میلے

○

ست ڈینہہ تے اٹھ میلے      گھر دُوں کیڑھے ویلے  
 ست ڈینہہ تے اٹھ میلے  
 بچٹاں کوں وی مِلسوں      میل دے تھیون میلے  
 ست ڈینہہ تے اٹھ میلے  
 میلہ ڈیکھٹے سارا      کول نہ کوڈیاں دھیلے  
 ست ڈینہہ تے اٹھ میلے  
 ہرکوں آپ تڑاپی      ٹھیلہ کیڑھا ٹھیلے  
 ست ڈینہہ تے اٹھ میلے  
 جوگی کے تیں تانگھے      تڑ گئے یار سویلے  
 ست ڈینہہ تے اٹھ میلے

☆

○

بارش اتنی تھیوے ویہہ پُون پرنا لے  
گھرے رکھوں بھرتے آسن کم ہن لے

\*بڈی ساڈے گھر دا نقشہ اَج دی اُنویں  
تھانویں باجھ سفیلاں رھواں ڈیہدے جالے

گھگر پائی پٹاں کھٹیندیں آجے آکھیا  
جیکر پڑھ پوسیں تاں تھیں دَر دُوں ٹالے

کھو سوس ڈیہہہ ان سبھے لنگھدے ویندن  
جیویں لنگھیا پھکن اُنویں گئے سیالے

پیروں رائے ٹردیں پھر دیں عمراں گزری  
جنتیاں پاؤں تھی پوندے ہن پیریں چھالے

اپنا آپ سگھارن کیندا دل نی آہدا  
کہیں کہیں کوں ہن چھکدے چولے پھلاں والے

☆

\* قصہ بڈی، تحصیل تونسہ شریف

## اک دے پھل نیلے

○

اک دے پھل نیلے پترے مٹیاں اٹینے

اک دے پھل نیلے

ککریں دی چھاں چھدری چھیڑو گولن چیلے

اک دے پھل نیلے

روہی تھل داماں اچ ڈکھاں ساکوں گھیلے

اک دے پھل نیلے

تنتیاں نتیاں ریتاں کردے بھردے تیلے

اک دے پھل نیلے

کنڈتے چھنب ہن نیلے دھپاں پنڈے پیلے

اک دے پھل نیلے

کیویں بھلسن سئی تپڈے نین نشیلے

اک دے پھل نیلے

☆



## ٹانڈے ووٹانڈے

○

ٹانڈے ووٹانڈے  
 تھی پگئے کانگے  
 چھوڑن نہ اصلوں  
 آپٹی بھوئیں  
 توڑے سبھ داسیک ہنڈاون  
 وت وی گیت سئی دے گا ون  
 پکے سچے جیندے گا نڈھے  
 سکے ساوے اوہے ٹانڈے

☆

## ادھی دُھپ ادھی چھاں

○

ادھی دُھپ ادھی چھاں  
 موسم آپٹے من دا  
 جینویں ساوٹا مانہہ  
 ادھی دُھپ تے ادھی چھاں  
 ڈھولن سے نیڑے  
 کیوں وچھوڑا سانہہ  
 ادھی دُھپ ادھی چھاں  
 راول رلدا ریتاں  
 جینویں اڈدی کانہہ  
 ادھی دُھپ ادھی چھاں  
 جیوے سوہٹی سئی  
 چوڑے والی بانہہ  
 ادھی دُھپ ادھی چھاں

☆

○

نین نماشیں بک بک چھلکن ہنچوں  
\*ہنسی چھوڑتے وچوں کیڈے وچوں

جیویں اُکھے پنڈھ وی آندے رہندن  
راہ گولیسن اکھیں ہلدے جگنوں

ساویاں جالیں ڈیکھ تے دل اے آہدے  
سوہٹیاں رُتاں رل مل پیلوں چٹوں

انہاں ریتاں اُتے کھیڈدیں کھیڈدیں  
گم تھی گئے ہن جیڑھے پیرے گولوں

پڑھ باکھ توں پہلے مارکے سوچیا  
گاٹھینے رستیاں دے نال نوں گولوں

☆

\* بنی: لینڈاسکیپ

نا سٹلجیا

○

صحرا دے وچ واگھل پووے پیرے کتھاں لبندن  
لچلے گھن دی وتھ پووے تاں رستہ گولٹاں پوندے

اچ وی رات نہ پووے راہیں؛ دل ڈہڈا گھبرانڈے  
کالے روہ دا پنڈھ کرک توں پہلے سوچٹا پوندے

ساڈی وتی دے چودھاروں ریت دے بے ڈسندن  
سجھ لہوٹ توں پہلے جیاں کوں وی ڈیکھٹاں پوندے

☆

## میر ملاح

○

اندروں اندروں رُوندی  
 پاہروں پاہروں کھلدی  
 سَندھ دریا وچ پڑی  
 آپ ویندی ٹھلدی

میر ملاح پیا گاؤے

دولہا دریا

پار پچاڑے

یار ملاڑے

ستی لہا تے سٹے  
 پاٹی دے وچ چھلے

آکھے دُولہا دریا

ججن ساڈا وَلے

میر ملاح پیا گاؤے

دولہا دریا

پار پچاڑے

یار ملاڑے

☆

## ستی

○

ستی سوہٹی دے جوڑے  
 پُھل چنبیلی  
 ستی سوہٹی تاں ڈ سے  
 ہیرا لبیلی

کالیاں راتاں کالے ڈینہہ

تار حوبلی

ستی سوہٹی دی ترے سو

سٹھ سہیلی

☆

○

توں ٹریں میں بَدَل ہووان  
تیڈی اکھ دا کجکل ہووان

تیڈے ویہڑے وِسن خوشیان  
تیڈے پیریں پائیل ہووان

سُوہٹی سسی ہیر توں ڈسین  
میں بس تیڈا سانول ہووان

پیار دی نویں پینگ رساؤں  
توں سَمی میں راول ہووان

بک ڈوجھے دا ساتھ نہ مکے  
توں دریا میں جنگل ہووان

☆

○

جتوالاں دے بھاگ سنوارے ساوی مٹی  
واہ واہ سوہنے روپ نکھارے ساوی مٹی

آوؤ سارے رل تے ساوٹ سون سہاؤں  
بارش دے وِچ ہیل ہارے ساوی مٹی

جیویں ساویاں پرتیاں لہندیاں آندیاں ہوون  
روہ دی چوٹی سبھ لشکارے ساوی مٹی

جتھاں کھارے پاٹی اُتھ کیا سبند سنگھاروں  
کھلدیں کھلدیں پئی ڈسکارے ساوی مٹی

لہنیاں لاہنے نت لڈیدیں تھک پئے ہاسے  
ڈکھ تے دُوروں پئی سڈ مارے ساوی مٹی

☆

## پئی وگے ہک نہیں

○

آپٹا جیوٹ کنیں ہنڈایا تیں نہ یارا میں  
 پئی وگے ہک نہیں  
 اتھ جینویں آساں ہاسے کل اُونویں اچ دی ہیں  
 پئی وگے ہک نہیں  
 شاہ وزیر ایہ کینجھے ہوندن اصلوں تیں میں جھنیں  
 پئی وگے ہک نہیں  
 چھٹی نہ درسال مُوہاڑی ساکوں رولیا سیں  
 پئی وگے ہک نہیں

☆

○

دل توں دل تیں رستا ہوندا  
 تیں وی تاں گجھ سوچیا ہوندا  
 میلے کوں تاں میلہ آہدے  
 میلے وچ جے ڈھولا ہوندا  
 وانگ کویلیاں کیوں وت رلدے  
 گھر وچ جیکر اٹا ہوندا  
 روہی گل گلزاں ڈسری  
 بدل کھل تے وسیا ہوندا  
 توڑے مُشکی ساہ جھنن پہوے  
 چڑیاں کوں سب پتا ہوندا  
 ہر دی تند جڑیندا توں وی  
 جے تیں پورا کیتا ہوندا  
 ڈوہ نہ ڈیندا کہیں تے اصلوں  
 جھمر جیڑھا نچیا ہوندا

☆

## قصہ قصولی

○

قصہ قصولی  
 خالی ہے جھولی  
 پڑوپنی نہ پاؤں  
 ڈکھڑے مہمان  
 بیٹھیں تے ڈاڈھا  
 تھئے آسمان  
 ساڈا پورھیا  
 بالیں دی مانی  
 چاچگئے کاں  
 کانویں داشور  
 کرن کجھ تے ڈسن ہور

☆

○

رنگین منجھیاں باکن کٹیاں مارٹ نلے ہلے ہلے ہو ہو  
 جھوکاں ہوکن کوکن آساں رلے بھلے ہلے ہلے ہو ہو

نت مینہاں دی تانگھ آساکوں ٹوبھے خالی اکھیں وانگوں  
 پئی کال گریہہ تے ساڈے سیت اولے ہلے ہلے ہو ہو

ون سونے ڈوہڑے پئے مایئے رل مل گاندے ہاسے ڈھولا  
 اکھیں ترسن وسوں کیتے تھئے ہن کلے ہلے ہلے ہو ہو

کنڈتے چھمکاں ٹراٹ اوکھا اتوں سجھ داسیک دے جوگی سائیاں  
 منے تے چھکے توڑے جو ہن خالی پلے ہلے ہلے ہو ہو

تڑتاڈا کیا ساڈا گھنسون دالٹے ڈے ونگاراں ٹرسوں اگتے  
 آساں چڑھدے چٹکے ڈھلدے پھانواں رلے ہلے ہلے ہو ہو

☆

ماٹ

○

پھینگ پھینگ پاٹی کول تر سے ہوئے  
 پندھ کر بندے، ریت جھگیندے  
 چولستانو!  
 تھل دامان دے راہی لوکو!  
 درد و نگاریں جتے ہاریو!  
 بگری ڈھونڈے، بھوگ بھگیندے  
 مزدورو!  
 ہجر دی دھن وچ کا وٹ گاندے  
 ڈھولیو!  
 تہاڈ اڈ کھ ہے تہاڈ اماٹ  
 شاعری جیویں میڈے کیتے

☆

ڈاہ اکیم ڈاہ

○

ڈاہ اکیم ڈاہ  
 بندہ بندے جیہا  
 ڈاہ ڈوٹی ویہہ  
 جی کول آکھ جی  
 ڈاہ تریئے تریہہ  
 چر تائیں لوکا جی  
 ڈاہ چو کے چالھی  
 گل وچ کیوں پنجالی  
 ڈاہ پنچہ پنجاہ  
 چاہ چاٹھی راہ  
 ڈاہ پھکے سٹھ  
 بندہ وسوں کھ  
 ڈاہ ستے ستر  
 ہتھ لپٹے چھتر

☆

## آبانی گھر کی تے ہک نظم

○

پھکٹی پوہ توں گھن تے  
 ہاڑہنا لے تیں  
 گزر گئے کئی سال  
 حال حویلا  
 جھکڑے چھیرے  
 ہا سے خوشیاں  
 وڈے تھی گئے پال  
 راتیں جاگوں  
 ایہ وی جاگے  
 سُم وَنجوں تاں  
 چڑیاں رلے جاگے  
 ہک برآمدہ  
 کمرے چار  
 کندھاں رنگ آسمانی پوہ ہے  
 تکھی مٹھی دھپ دے نال  
 کھل آلویندے رے ہے

☆

## محمود نظامی سانگھے

○

جگ تاں ہے لوکیں دا  
 دو میاں جگ دا پیار و پار  
 آساں پھانکے ڈنگر  
 یاوت رُلدیاں کھلداں  
 بھپڈاں ہکریاں سرٹکاں اُتے  
 دھواں دُکھدا ہے اندری اندر  
 ساڈا من تاں پُراٹاں پاپی  
 ڈھولا وے ڈھولا جینویں شالا  
 کوئی حال حویلا روٹی مانی..... جانی  
 آساں اگتے و بچتے  
 پنہ آساڈا آساڈا و انگوں  
 پڈھڑا تھیندا اویندے  
 ڈینہ آساڈا سَنگت رلے  
 راتیں سوچاں سو دلایاں  
 پس ہک جیوٹ  
 اووی یارا دھورا

☆



○

کیا تیری کیا میری  
 لوکا، لوکاں، ورتو  
 مانا شام سویری

کیا تیری کیا میری  
 نکلیاں بٹھیاں چالھیں  
 اکھیاں لال ہیری

کیا تیری کیا میری  
 بٹی سب ہے سانجھا  
 کھمبیاں ڈیہلے پری

کیا تیری کیا میری  
 جیوے تھل داماں  
 دلا نہ کر دیری

کیا تیری کیا میری  
 بھلی پھرے خلقت  
 اینویں چار پھیری

☆

## ڈونگھیاں ڈسکیاں

○

اَج وی آندیاں ہن آوازاں  
 سٹدا ہاں میں ڈونگھیاں ڈسکیاں  
 گھر دے ایرے کھوہاں توں

سٹدا ہاں میں ڈونگھیاں ڈسکیاں  
 اُنہاں دامن پاک دھیاں دیاں  
 دھاڑ دے جہاں ڈینہاں اندر

اندھے کھوہاں دے وچ  
 اپٹے آپ کوں سٹیا ہی  
 دھاڑیاں دے ڈر توں

☆

## جلسہ

○

ایہ جیسے دستاراں  
 کوٹ شیروانی ٹوپیاں  
 اکڑیے کالر..... بازی گر  
 شعلہ بیان مقرر  
 آسمان کول ہرتے چائی کھڑن  
 روح کبے  
 ساڈیاں جتیاں دے تلوے  
 انگوٹھیاں دی جا کھیں  
 رستہ پگولن  
 وڈی واندی شاہراہ دی نکڑتے ہک جلسہ

☆

## شہر آشوب

○

کوئی سویل تاں آتیجھی ہووے  
 کوئی تاں ڈینا آتیجھا ڈینہ وی ہووے  
 ناں دہشت ناں ترتر  
 ناں کئی خوف ناں ڈر  
 ناں مسلم ناں کافر  
 نہ برہادے بھوگ  
 ناں کئی بگھ ناں تنگ  
 ناں جھکڑا ناں جھیرا  
 ناں نا کے ناں پہرا  
 کوئی سویل تاں آتیجھی ہووے  
 کوئی ڈینہ آتیجھا ڈینہ ہووے  
 ہرکئی سیندھ بناتے تڑے  
 آپٹاں اچ دھاتے تڑے  
 آپٹی دھج جماتے تڑے

☆

## آوی داپالٹن

○

ککھ کانے تیلے  
 ککھ کانے تیلے  
 ٹک - ٹک - ٹک  
 دھواں دُکھیا دُکھیا  
 کھوں کھوں کھوں  
 پنجرہ تھکيا تھکيا  
 ہتھ حکیمی نئے  
 ٹسٹ رپورٹاں ایکسرے  
 جیون دے سب حیلے  
 آوی داپالٹن  
 ککھ کانے تیلے  
 ککھ کانے تیلے

☆

## ھینیاں کیتے ہک نظم

○

ڈاہڈے ھینیاں ڈُ ڈھپ  
 ھینے چُپ اکی چُپ  
 دُھپ وچ کھڑے ہوئے  
 کانیاں کوں  
 کھانہ ونجے دُھپ داتاء

☆

## اعمال سیدیٹ

○

تیڈیاں دُعاواں  
 خوشبو کستوری مُعطر ہواواں  
 تیڈیاں دُعاواں  
 ایں جگ جنگل دے پندھ اچ  
 حاسدر اُرخس اُردے اولے  
 دُوروں اُردے ول ویندن  
 تیڈیاں دُعاواں دے صدقے  
 دیہہ کالڑے بدل ٹل ویندن

☆

## منشی \* احمد بخش سانگھے

○

پینڈے جھاگے  
 دریا کچھے  
 آپنی آپ سندی بنینے  
 کتھوں ہا سے ٹریے  
 کتھاں ونج تے پئے  
 سندھ ناں بھالی سُدھ  
 لائیاں پور گمانے  
 ریتاں رُلپئے  
 سُنک گئے ہنجوں  
 اکھیں ٹو بھٹوئے  
 مُنہ تے یارودھر  
 ”میاں لوک تاں میکیوں  
 منشی آمد و آمدن  
 کیا پئے ڈیہدو  
 کیا پئے پڑھدو  
 ساڈے چہرے پتھراٹے  
 ہن آساڈے قصے

☆

## ہک مٹی نیں

○

نیں تاں وِہندی پئی ہے، اچ وی ہک مٹی  
 ساڈے سر تے دُھپ دی، چادر ہے مٹی  
 نیں تاں وِہندی پئی ہے، اچ وی ہک مٹی  
 کپڑاں تھیں دلِ اساڈے شاد ول  
 کپڑاں تھیں جھوکاں ایہ آباد ول  
 نیں تاں وِہندی پئی ہے اچ وی ہک مٹی  
 رات ڈیہنہ وسدا بدل ساول تے ہے  
 روز وسدی ساوٹی، ساول تے ہے  
 نیں تاں وِہندی پئی ہے اچ وی ہک مٹی  
 سیں فریدا باجھ تیڈے، کیا مٹی  
 تھل روہی تے وُٹھی نہ، ہک کٹی  
 نیں تاں وِہندی پئی ہے اچ وی ہک مٹی

☆

○

روہ دمان دا چایا میں  
 میڈے پیریں ریت  
 منگاں دُعائیں بنی کیتے  
 ساوے تھیوٹ کھیت  
 آساں رچ رچ میلے ماٹوں  
 پھکٹن مانہہ تے چیت  
 روہ دمان دی دھرتی پیاری  
 لاٹے لئی سمیت

☆

## کیونفلاژ

○

کالے نیلے بڈل  
 کیوں تھیوے پر بھات  
 باتاں پچھوں بات  
 ہلدے بھدے لوک  
 کالی کالی رات  
 جھات پاووجی جھات  
 آپوں آچٹی پو لی  
 آپوں آچٹی گھات  
 تیں میں جو لگی  
 چاٹے رب دی ذات

☆

## رہواں ڈیہدے ڈیہدے

○

رہواں ڈیہدے ڈیہدے  
 سرتے پچھانویں آپہنتے  
 کیا شے گھندیں گھندیں  
 لوک بزاریں آپہنتے  
 سکھ ساول دی گول اچ  
 آساں شہریں آپہنتے  
 جھیڑے روز مگلیندیں  
 قصے کچاریں آپہنتے  
 پئے پچر دیں پچر دیں  
 وچھے ونگاریں آپہنتے

☆

## ہک ڈوٹے ڈو

○

ہک ڈوٹے ڈو  
پندھ کویلی کوں  
ڈو ڈوٹے چار  
کویلیاں بٹائی قطار  
ترے ڈوٹے چھ  
رستے وچ ہئی مینہ  
چار ڈوٹے اٹھ  
کویلیاں کیتا کٹھ  
پنج ڈوٹے ڈاہ  
کویلیاں کیتی صلاح  
چھ ڈوٹے پارہاں  
چڑھ پیاں واہراں  
ست ڈوٹے چوڈاں  
نکیاں وڈیاں پوڈاں  
اٹھ ڈوٹے سولہاں  
رَب دیاں ہن پگولاں  
نو ڈوٹے اٹھاراں  
تھی ٹروں قطاراں  
ڈاہ ڈوٹے ویہہ  
پیا ہمیشہ جی

☆

○

ہک ہا بادشاہ کن اوندے ہادھاگا  
تیں چھکیا میں چھکیا بٹیا او، دروازہ  
وچوں نکھتے لوک  
لوکیں کیتی وسوں  
بن گئی ہک جھوک  
وچوں ٹر یا قصہ  
جتلا حیدر اکم  
اُتلا اوند اخصہ  
ہک ہا بادشاہ کن اوندے ہادھاگا  
وچوں ٹری گالھ  
گالھ وچ ہئی سانجھ  
سنا نچھ بٹیندی راند  
راند وچ سبھ بٹیلی  
آکھو آکھو آکھو  
پورھیا ہتھ تھیلی

☆

## ایہ رودھے رُدھیمے

○

ایہ رودھے رُدھیمے  
 ایہ دلدل ایہہ چکڑ  
 مُقدرتساڈا؟  
 ایہ دلدل ایہہ چکڑ؟  
 نکل ایں توں پاہر  
 کریں خودکوں ظاہر  
 بظاہر ہے ظاہر  
 کو ملی دے وانگوں  
 مگر ہوئساں ہٹ  
 گٹتری توں پاہر  
 سرانیکسی دولوکا

☆

## رستہ بٹاؤن کو یلیاں کوں آندے

○

رستہ بٹاؤن کو یلیاں کوں آندے  
 مکھڑے ملاؤن کو یلیاں کوں آندے  
 کو یلیاں دے گھروں نی ڈکھڑے نکلدے  
 ڈکھڑے ہنڈاؤن کو یلیاں کوں آندے  
 لوک نماڑے کو یلیاں دے وانگوں  
 رل مل تے راہوٹ کو یلیاں کوں آندے  
 گجھاں رمزاں بھری کنیں بچھی حیاتی  
 رمزاں رتجھاؤن کو یلیاں کوں آندے  
 ہنالا سیالا خزانواں بہاراں  
 رُتاں رساؤن کو یلیاں کوں آندے

☆



## سارے بھوہ لہا چھوڑین

○

اساں ہاتھی ڈنداں دیاں کنگھیاں آپ بٹا چھوڑین  
 سیندھاں آپ سجا چھوڑین  
 سارے بھوہ لہا چھوڑین  
 اساں ہاتھی ڈنداں دے گاہنے آپ بٹا چھوڑین  
 سہاگڑے سوٹا سہا چھوڑین  
 سارے بھوہ لہا چھوڑین  
 جیہڑھے ہاتھی رل ساکوں پیریں وچ لڑیندے ہن  
 کھڈواٹے کھیڈ بٹا چھوڑین  
 سارے بھوہ لہا چھوڑین  
 ہاتھی ہن بد مست راجے دے مہاراجاں دے  
 چڑیا گھر بدھوا چھوڑین  
 سارے بھوہ لہا چھوڑین  
 نت پھراٹے ہوندے ہن سرٹکاں تے انہاں چھڑیاں دے  
 سرکس وچ نچوا چھوڑین  
 سارے بھوہ لہا چھوڑین

☆

## رُکدیاں نھیں کویلیاں

○

رُکدیاں نھیں کویلیاں  
 مگدیاں نھیں کویلیاں  
 کنہیں جاتے وی چُکٹا ہووے  
 چُکدیاں نہیں کویلیاں  
 توڑے ڈرہے بوٹاں دا  
 دُکدیاں نھیں کویلیاں  
 لُگدے ودن لومڑ  
 لُگدیاں فی کویلیاں  
 دھکڑے دھوڑے دھابے  
 ٹردے وگ کویلیاں  
 رُکدیاں نہیں کویلیاں  
 مگدیاں نھیں کویلیاں

☆

## شکر و نڈاں مصری و نڈاں

○

شکر و نڈاں مصری و نڈاں  
 لہجے تھیوں شیر  
 کالہیں ساڈیاں تکر یاں تھیوں  
 ڈنگے تھیوں تیر  
 گپڈاں وانگوں ہٹلدی کاوڑ  
 دلڑی بہوں دلکیر  
 اسلحہ سٹاں وچ سمندر اں  
 تھیوے امن سفیر

☆

## نواب مظفر خان شہید

○

میں ہاں سلطان ملو ہے دا  
 میڈی غاصباں نال ہے جنگ  
 میں سو ہا جوڑا پاؤٹاں  
 ہے شہادت میڈی منگ  
 میڈا سینہ صدقوں صاف صفا  
 دتھاں مہر و سے انگ انگ  
 میکوں پاس ہے اپٹے وعدے دا  
 میں دھرتی دانگہبان  
 شالا و سدر ہے ملتان  
 میں ہاں سلطان ملو ہے دا  
 میں سو ہا جوڑا پاؤٹاں  
 شہادت میڈی منگ  
 میڈا نام مظفر جنگ

☆

## شہر آشوب

(شہادت ڈینہہ ۱۹۹۰ء دی)

○

فرعون اٹھا ہوں لنگھدن  
 انہاں سُر مٹی سڑکاں توں  
 ناکے دار..... ناکے لاتے ڈک گھندن  
 ساڈیاں راہواں کوں  
 ساڈیاں خوشیاں کوں  
 ساڈیاں آہواں کوں  
 ایبو لینس وچ زخمیاں کوں  
 آسمان دوں تنیاں اکھیں کوں  
 لاچاراں کوں، بیماراں کوں  
 شہر وسدے سڑکاں شاہراہواں ویندے  
 وگدے لوکاں کوں  
 سجھ سوانیزے ساڈے سراں اُتے آویندے  
 رت ساڈے ہسیاں جُسیاں لنگھیں  
 کھمٹن وانگوں کھمدی ہے  
 ایں دُھپ چُپ اُک وٹوں  
 بدل بن گجے و سسین

☆

## \* اندھی کھوئی

○

عجب ناں ہے شہر دے ایں بزاردا  
 ”اندھی کھوئی“  
 گلگیاں اندر گم تھیندیاں گلگیاں  
 بزار دے ہن کئی راہ رستے  
 جتھاں ہٹھے ویلے بھیڑ ہے راہندی  
 اصل وچ اے کپڑے دی ہے مارکیٹ  
 لیکن لون ٹیرا ویرا  
 بنارس دے بوچھڑ  
 جار جھٹ ملل ویل تے ساٹن  
 تھاناں دے تھان پئے کھلدن  
 رنگ جہان دے رنگ برنگے  
 دل موہ گھندن، لوک پئے گھندن  
 آکھ فقیرا  
 آپنے کیتے چٹا کوراٹھا کئی کئی گھندے

☆

## پیر ویٹ

○

کوکدے ڈبہ نہاں کالیاں راتاں دے مسافر  
 کنڈتے پنڈ ڈکھاں دی چاتے  
 سرتے پٹلے لیر کتیراں  
 زردار دوزخی پیراں لتاڑیے جنہاں کول  
 دھکڑے دھوڑے، تھانے تے کچاریں کھاندے  
 وڈے بُو ہے چکن توں پہلے  
 تھسج ویندے سب کجھ انہاں توں جمع پونجی  
 نال گھن آئے ہن جو ویتج وٹاکے ڈاند وچھے  
 وڈے بُو ہے درد لاناں تے سوی چپ چاپ ٹردی ویندی  
 کندھاں دے کردے بھر دے پلستر کول کر لیاں دے چبے  
 ڈیہدا ہاں خلقت گذردی  
 ایں بھیر وچ سلاڑھیے ہوئے سچھے جسم ہسے  
 وڈے بُو ہے چکن توں پہلے ویندن ہٹ ہسے  
 انہاں دا جو فاتر کہ اشٹاماں تلگاں تے کورٹ فیساں جوگا  
 غریبے ایہو آہدن  
 عرضیاں اُرداساں ٹہاڈیاں چنچ گیاں ہن صاحب دی میز تے  
 مگر ہن ہٹھ پیر ویٹ دے

☆

## کیسر کیاری

○

شہر ساڈے دے چوکاں وچ  
 میزائل  
 گناں  
 توپاں  
 ٹینک  
 ادھ وچالے چوک شہر دے  
 بھناں جہاز بمباٹ نصب ہے  
 تہا کول لوڑ نمائش نشانی جنگیں دی  
 سا کول کیسر کیاری دی  
 اکھیں وچ سک پیاری

☆

انگوٹھے ٹھپے  
 کالے حرف اشٹا ماں اُتے  
 ریڈر چاندی چاہ دیاں چُسکیاں  
 چڑھدے سجھدی تکھی دُھپ  
 وڈے بو ہے آل دو آ لے  
 اُچیاں کندھاں لمبیاں  
 بجشی خانے والے قیدیو  
 تہاڈیاں آساں آہواں  
 کیہڑے در چچاواں  
 جُرموں ودھ سزاواں؟

☆

جُرموں ودھ سزاواں؟

○

تُر دے ہنجوا کھ سمندر پیوے  
 برزخ بجشی خانے دے وچ قیدی  
 اپنی رت وچ جیون  
 اپنی رت وچ پلن  
 ڈن بھ ہتھیں ہتھکڑیاں  
 پچھن پچھن  
 پیریں پڑیاں  
 کسیاں مُشکاں  
 دہانواں دھکڑے دھوڑے  
 وڈے بو ہے تے ہن پہرے  
 زَر پوجا کوں ہن ہر کارے  
 پیشی اُتے پیشی پووے  
 مسلاں تھدے  
 تہہ در تہہ  
 نزانے  
 طلبانے عوضانے تے

## جہوریت

○

ساوے ساوے بھریئے جئے  
 سوہٹے ساوے کھیت وچ اساں  
 چندن پوٹا لیندے پئے ہیں  
 اکھیں کوں ہیں خواب ڈکھیندے  
 اپٹے دل کوں ہیں وندلیندے  
 پالیں کوں پئے ہیں سمجھیندے  
 ایہو پوٹا وڈا تھیبی  
 ٹھڈی ٹھڈی چھاں ونڈیسی  
 نیگر کھلدے ہسدے ہن  
 نیگر ایہو آہدے ہن  
 ہک ڈینہ اینویں چپ چپتے  
 کال کلونٹی پکری آسی  
 ایں پوٹے کوں آتے کھاسی؟

☆

## کنڈورائی دھرتی

○

اخبارا پڑھدی پڑھدی  
 ڈکھتے ہک آمردی نوٹو  
 اوندیاں کھپا اکھیں دے وچ  
 سگر بیٹ کوں وسمیند ہے  
 سن انوی سو اناسی دے وچ  
 کنڈورائی دھرتی تے  
 کوڑے کھمدے ڈیکھن پچھوں

☆

جس دے ساہ گھٹ موسم دے وچ  
 اساں وی رل کے ٹرے ہاسے  
 ساکوں یاد رکھا ہے بترو  
 اساں مٹی مٹلیاں کوں وی  
 وو مزدور کویلیاں کوں وی



## کالے کوٹ کویلیاں



کالے کوٹ کویلیاں، یاد ہیوے جو  
 چڈاں ڈھپ ہئی راہواں دے وچ  
 چڈاں اک ہئی ساہواں دے وچ  
 چڈاں پُپ ہئی محلاں دے وچ  
 چڈاں ہس ہئی جیلاں دے وچ  
 کالے کوٹ کویلیاں یاد ہیوے جو  
 تساں وی تاں ہتھ ہلائے  
 اساں وی تاں ہتھ ہلائے  
 آمر دی کاوڑ دے اگوں  
 تساں وی تاں سچ الایا  
 اساں وی تاں سچ الایا  
 کالے کوٹ کویلیاں منصف بن تے  
 دل کرسی تے جاں بہو تے  
 بس ہک ایہ وی یاد رکھا ہے

## ساڈے وچوں بندے

○

ساڈے وچوں بندے  
 ساڈی وسوں وچوں  
 اساں کو یلیاں کوں جے  
 کم کوئی پو وے تاں  
 ساڈے کم دے اگوں  
 اوہٹن ہندن ہاتھی  
 ہاتھی کیندے ساتھی؟

☆

## نامہ نگارو

○

لکھدے راہو، لکھدے راہو  
 خونخواراں دی ساری گہتر  
 دھرتی دے فرعونان دی آکڑ  
 محنت کشاں دے پھر کدے ہتھاں دی سبھ کہاٹی  
 بھتہ خوراں، ٹاؤٹاں دے بدنام قصے  
 گو ننگے ہاتیاں، مظلوماں  
 بے آوازاں دی آوازو

نامہ نگارو

شب بیدارو

لکھدے راہو، لکھدے راہو

اپٹے حصے دی ساری نیکی

ساڈے حصے دی ساری کاوڑ

☆



## پترے

○

اُچھیاں رتاں بے کل پترے  
موجھا ساوڻ بدل پترے

وحشت ڈسدى ہے گلشن وچ  
اُڊدے ودين پاگل پترے

تپڙے آوڻ دى گو راھندى  
توں آنويں تاں پائيل پترے

اوندياں ياداں مہکن خالد  
گوڙھياں سوچاں جنگل پترے

☆

## نظام ہاتھی

○

نظام ہاتھی  
تمام ہاتھی  
مشیر ہاتھی  
وزیر ہاتھی  
سفیر ہاتھی  
ایہ ڈنہہ وی ہاتھی  
ایہ شام ہاتھی  
ایہ رات ہاتھی  
نظام ہاتھی  
تمام ہاتھی

☆

ڈیڈر

○

گھوہ دے کھاڈے دے دے وِج  
 پہہ تے ٹرکن والے ڈیڈر  
 ٹرکدے پٹھے راہندن  
 وَاہندا کھوہ تاں وَاہنداراہندے  
 ٹھڈا پائی پیونٹ والے  
 گھڑے بھریاں منٹ بھریندے  
 ٹردے اگتے تھیدن  
 دُور کناہوں آوٹ والے  
 پنہدھ جھگیندے پاندھی  
 اپٹے موگر ہکاں دے وِج  
 پائی پیندے ٹرویندن  
 وَاہندا کھوہ تاں وَاہنداراہندے  
 ڈانداٹھی واری ڈے تے  
 پھاتن وچوں نکلدے راہندن

طوطا چشمی دے حق وِج

○

چوری میں نہ کھانواں  
 میوہ میں نہ کھانواں  
 لکھ پئے آکھو میاں مٹھو  
 میاں مٹھو چوری کھاگھن  
 اڈٹاں میں تے اڈٹاں  
 اڈٹاں اُنت فضاواں  
 پنجرے وِج کیوں راہواں

☆

پہرے داراں کہتے

○

ساول کيارے  
بھريا باغ  
کانويس کاں کاں  
لالياں ٹھونگے  
پاڑيا چولا پھرے دار  
پانہیں لتاں کانے چار

☆

وستی دے لوک ٹھڈڑا پاٹی پیندے خوش تھیندے  
اچٹی اچٹی موج وچ جیندے  
اپٹے کماں کاراں وانگاں وچوں سوکھے تھیندن  
کھوہ دے کھاڈے دے وچ  
پہہ تے ٹرکن والے ڈپڈر  
ٹرکدے پٹھے راہندن

☆

## آغا صفی اللہ

○

آغا صفی اللہ آسا ڈے سبھ دے کیے معزز تے محترم ہے

ہمہ صفت روشن نوری چہرہ وجیہہ قامت

ڈیکھوتاں جینویں عالم پناہ

چُپ چاپ رعایا دی خبر گیری واسطے

ٹُر پئے ہوں.....

خبردار ہشیار

آغا صفی اللہ دے ہتھ والی سٹک

اوندے شاہ ہووٹ دا

مکمل ثبوت ہے

ڈی ایس پی، حوالدار، میجر، زمیندار

دین دار، بزرگ، عالم فاضل، تعویذ یوٹ والا

آغا صفی اللہ کول تساں جیڑھی اکھ نال ڈیکھوانویں لگدے سیں ارشاد تو نسوی دا

فرمان ہے جو آغا صفی اللہ اوتیں معزز تے محترم لگدے

جے تیں او محفل دے وچ چُپ پٹھارا ہوے

آغا صفی اللہ ہر محفل دا بندہ کوٹ پو لے تے تاں سچ دا گمان تھیندے

## \* گوڑا خان

○

گمی دے گمی راہون ہال

اُو ایہہ چاہندن

سرٹکاں بٹن، نہ ہسپتال

اسکولاں دے وچ

ڈنگر ڈھور پد چھن

اُچ توں ورھیاں پہلے

تیڈے دل آسمان تے

چائٹ جھیاں ہک پکلیا

مظفر گڑھ دے وچ

تیڈے ناں دامد رسہ

جگدی بکھدی مثال

کل تے اُچ دے

اندھارے دے وچ

جگ پلدا ناں

گوڑا خان

☆

شہیر ٹیلی ویژن تھیٹر دافنکار تے علی تنہا دایا آہدے:

”آنخے دیاں چُجھاں تاں اینویں ہن جینویں پینڈل ہووے بیکو سائیکل دا“  
آغا صفی اللہ دی ناسازی، طبع دی وجہ اوند اکمزور معدہ حیندے بارے وسیم قیصر  
دی آچٹی رائے ہے۔

شہر والوں کو بلانے کی ضرورت تو نہیں

صفی اللہ جو کھانے پہ بٹھا رکھا ہے

آغا صفی اللہ آساڈی محفل دے وچ اپٹے تذکریاں سمیت کہیں ناں کہیں حیلے  
بہانے آوڑدے.....

آغا صفی اللہ آساڈے سبھدے کیپتے معزز تے محترم ہے۔



- ۱۔..... ارشاد وٹو نسوی  
۲۔..... علی تنہا  
۳۔..... شہیر ٹیلی ویژن  
۴۔..... وسیم قیصر

○

دَرشن واہ من موہنیاں والے

واہ واہ حسن ملاحظت

رہوے راس انہاں دی یاری

اساں بیا کیا منگد وں؟

دَرشن واہ انہاں سوہٹیاں والے

اکھیاں لاوٹ ڈیرے

ڈسے شام سہانی جھلمل

اساں بیا کیاں منگد وں؟

دَرشن واہ انہاں کلیاں والے

کھلدے رُخ مہ تابی

لب ہن لعل یا قوت گلابی

اساں بیا کیا منگد وں؟

دَرشن واہ انہاں چائٹیاں والے

گول جہاں دی رکھدے

دل کھلد اہے پھل کلیاں وچ

اساں بیا کیا منگد وں؟

دَرشن واہ انہاں پریاں والے

○

رئی بیئدے ہتھ  
شالا آپ ہنڈاون  
رئی بیئدے ہتھ  
ڈکھن پورب گھلیا  
توں وی پہ تے گت  
رئی بیئدے ہتھ  
محرم لولی الو  
گاندے ویندے جت  
رئی بیئدے ہتھ  
پوریں وچ چچلا  
انگلیں سمی رت  
رئی بیئدے ہتھ  
\*منگروٹھے دا میلہ  
ڈیکھن تھیوے وت  
رئی بیئدے ہتھ

☆

\* قصبہ منگروٹھے تحصیل تونسہ شریف

بخت جنہاں دے ریشم  
خشبوریشمی زلفاں والی  
اساں بیا کیا منگدوں؟  
دَرشن واہ انہاں نیئاں والے  
چاہ جنہاں دی ہرکوں  
ہرکوں بخشن جگ تے راحت  
اساں بیا کیا منگدوں؟

☆

### I HAVE PERCEIVED

(Walt Whitman)

I have perceived that to be with those I like is enough,  
To stop in company with the rest at evening is enough,  
To be surrounded by beautiful, curious, breathing, laughing flesh is  
enough,  
To pass among them or touch any one, or rest my arm ev er so  
lightly round his or her neck for a moment, what is this  
then?  
I do not ask any more delight, I swim in it as in a sea.  
There is something in staying close to men and women and  
looking on them, and in the contact and odor of them,  
that pleases the soule weii,  
Il things please the soul, but these please the soul well.

نظمیں:

ملتان ہک پڈھڑا بابا

○

آئیاں کیتے آکھیں

چائیاں کیتے دل

☆

خونی بُرج

○

جیڑھے تلواراں دے گھپ سہہ ویندے ہن

وقت دے ورقیاں اُتے تازہ رہ ویندے ہن

☆

سُونڈھ ہاتھی

○

اساں سُونڈھ حیاتی دے نال

وانگ کولیاں بھڑے ہیں

☆

○

ڈیس سرائیکی مٹھڑی پولی

توں ایں ساڈی اجرک چولی

ڈیس سرائیکی مٹھڑی پولی

باغیں خوشبو ست رنگی

رنگی تیتلی ہے پر تولی

ڈیس سرائیکی مٹھڑی پولی

توں ایں روہی تھل دمان

وسوں وستی ٹولی ٹولی

ڈیس سرائیکی مٹھڑی پولی

توں ایں ساڈی جھمر تاڑی

اساں ہیں پس تپڈے ڈھولی

ڈیس سرائیکی مٹھڑی پولی

تپڈا ساڈا پیار امر ہے

نکے لا دی توں ہجولی

ڈیس سرائیکی مٹھڑی پولی

☆

## جھمر

○

جھمر کھیڈ دے جھومری جیون جھمر اللہ دی ونڈ  
 جنہاں نہ کھیڈی جھمر میلے رب کوں کیتی کنڈ  
 جھمر کھیڈ دے بچٹاں کوں اے آکھے خالد یار  
 میلے ہوندن میل اللہ دا گانڈھے گنڈھن گنڈھ

☆

## یاد باغ

○

راہواں دے وچ رنگ برنگے پھل ترڑیے ہن  
 وا گھلی ہئی یا بہشتی در کھلیے ہن  
 ننڈے سرمئی بدلاں کوں وی پگھ لگیے ہن  
 گھائے گوڑھے یار پرائے وی کیا ڈینہہ ہن  
 کہیں کہیں ویلیھے ہن وی ملن آ ویندے ہن  
 سوہنیاں یاداں کوں تاں باغ بٹا ویندے ہن

☆

## دعا

○

ربا  
 ہاتھ جتنی کاوڑ کرٹ والیاں کوں  
 کویلی جتنی شانتی ڈے

☆

## لوکا

○

ہووٹ دے احساس کیتے  
 جیوٹ دی کہیں آس کیتے  
 کویلی جتنی کاوڑ لوکا

☆

## گھیرٹ

○

کھیرٹ ہووے بھانویں ہووے کوڑا دھونہہ  
 اکیں آپ بٹا گھندین ہووے سوہنہہ

☆



چندر

○

آسمان دے چیویں دل کوں  
یا دکھیں دی آگئی ہے

☆

مُونجھ

○

توں وچھڑیوں تاں  
مُونجھ  
گوار بُوٹی دے جنگل وچ  
راہویں رووٹا پہہ تھئی

☆

توں ہسین

○

توں ہسین توں مُسکاویں  
میں پھل چٹاں  
توں ٹریں مڑمڑ پکھیں  
توں سُمیں وُل وُل جاگیں  
میں خواب وٹاں  
توں خوشبور چپاساواں  
تیڈے نال ٹراں

☆

ونگاں

○

بھانویں کچ کرور ہن  
پانہیں دا غرو ہن

☆

## کالی رات دی چادر اُتے

○

کالی رات دی چادر اُتے تارے آن ٹمکدن  
 جیڑھے ویلے بادشاں دے واچے گا جے دول دماے  
 تکتھ تال یا سبھے سازتے سُرمنڈل  
 چُپ تھیندن  
 اُول ویلھے ایس چپ ویہڑے وچ  
 روح میڈی ہے گاندی  
 ابدی گاؤں

☆

### AFTER THE DAZZLE OF DAY

(Walt Whitman)

After the dazzle of day is gone,  
 Only the dark, dark night shows to my eyes  
 the stars:  
 After the clangor of organ majestic, or  
 chorus, or perfect band,  
 Silent, athwart my soul, moves the symphony  
 true.

## جیوٹ پھل کیاری کوں

○

جیوٹ پھل کیاری کوں سنگھر بندے ہوئے  
 جیڑھے گیت میں آن بٹائے  
 اکھیں ڈٹھی دُنیا دے وچ  
 سنگھر یے ستر یے سوہٹے گاؤں  
 ناں تہاڈے لیدناں  
 سارے سوہٹے بیت تے گاؤں  
 کب اُن ڈٹھی دُنیا دے ناں!

☆

### THESE CAROLS

(Walt Whitman)

These Carols sung to cheer my passage  
 though the world I see,  
 For completion I dedicate to the invisible  
 World.